

याद में थारी सांवरिया | By Muskan Ranisatiya

याद में थारी सांवरिया म्हारे झर झर बरसे नीर
बेगा आकर गले लगा ल्यो छूटयो जावे धीर
बाबा मत ना देर करो
टावरिया की अर्जी पर थे इतनो गौर करो
बाबा मत ना देर करो हो

थाने मायड़ बाबुल मानू
कोई ना थां सु बढकर जानू
जितना याद करां म्हें थाने थे भी याद करो
खेल यो आँख मिचोली को ना म्हारे साथ करो
बाबा मत ना देर करो
टावरिया की अर्जी पर थे इतनो गौर करो
बाबा मत ना देर करो हो

जग यो सारो आँख को धोखो
सांचो साथी श्याम अनोखो
रिश्ता की मज़बूत या डोरी बाबा श्याम करो
और नहीं कुछ माँगा किरपा म्हारा नाथ करो
बाबा मत ना देर करो
टावरिया की अर्जी पर थे इतनो गौर करो
बाबा मत ना देर करो हो

थां पर बाबा हक है म्हारो
जो कुछ म्हारो श्याम है थारो
बिटा गोद के माहि बाबा अब तो लाड करो
कहवे सचिन घर आवन ताई यूँ ना नाट करो
बाबा मत ना देर करो
टावरिया की अर्जी पर थे इतनो गौर करो
बाबा मत ना देर करो हो

<https://bhaktivandana.com/lyrics/%e0%a4%af%e0%a4%be%e0%a4%a6-%e0%a4%ae%e0%a5%87%e0%a4%82-%e0%a4%a5%e0%a4%be%e0%a4%b0%e0%a5%80-%e0%a4%b8%e0%a4%be%e0%a4%82%e0%a4%b5%e0%a4%b0%e0%a4%bf%e0%a4%af%e0%a4%be-by-muskan-ranisatiya/>